

1578

Young  
Joseph

21075)  
U-15

4.873 0.873  
910 1911 №3 1862709

Одобрено Попечительск. Совѣтомъ Кавказск. Учебн. Округа

# ԳԱԱՍՏԵՏՐ

Ա. տարի  
Ժ. տար.

# ԿՐՈՆԻ



Ստիլ կ. ս. բն. Մահմետ 69  
БИБЛИОТЕКА  
ИНСТИТУТА  
ВОСТОКОВЕДЕНИЯ  
Академии Наук  
СССР

Բ Ի Ց Լ Ի Ռ

«Հայության» Եղիպահութեան կայաց. № 17  
1911

2(075)

Ա-15

25 JUL 1965

арм-к  
5910

ԵՐԻՎԱՆԻ ՀԱՅՈՒԹՅՈՒՆ

Հայություն  
Հայություն

07 Одобрено Попечительск. Совѣтомъ Кавказск. Учебн. Округа

15

# ԳԱՍՏԵՏՐ ԿՐՈՆԻ

Ա. տիգրի  
ԺԳ. տիգ.



Առաջնահանձնագիր  
Առաջնահանձնագիր  
Առաջնահանձնագիր  
Առաջնահանձնագիր

БИБЛІОТЕКА  
ІНСТИТУТА  
ВОСТОКОВЕДЕНИЯ  
Академії Наук  
СССР

ՀԱՅՈՒԹՅՈՒՆ




ՏԵՇԻՄ ԽՐԱՄԱԿԱՐԱՎՈՐ

ԹԻՖԼԻՍ  
Տպարան «Էսպերան» Ելիզաբետինսկայա № 17  
1911

25 JUL 2013

1578



Ի ՀԱՅՐԱՊԵՏՈՒԹԵԱՆ

## S. S. ՄԱՏԹԵՈՍ Բ.

Սրբազնագոյն Կաթողիկոսի Ամենայն Հայոց, ծայրագոյն Պատրիարքի Համազգական Նախամեծար Աթոռոյ Արարատեան Առաքելական Մայր Աթոռոյ Սրբոյ Կաթողիկէ Էջմիածնի:

Հատ բարձու հրամանի նորին Օծովթեան Վեհափառ Հայրապետի ազգիս Տ. Տ. ՄԿՐՏՉԻ Ա. Դիմանս թոյլատրէ տպագրութինն դասագրոյս եւ վաւերացուցանէ ստորագրութեամբ եւ դրոշմամբ կնքոյ Հայրապետական Դիմանի:

Ի 1-ն Յուլիսի 1899 ամի, ի Ա. Էջմիածին:

Դիմանապետ Կորին Վարդապետ:



56776 - 66



Ա.

1.

Յանուն Հօր և Որդւոյ  
և Հոգւոյն Մըբոյ ամէն:

2.

Հայր մեր, որ յերկինս ես, սուրբ  
Եղիցի անուն քո. Եկեսցէ արքայու-

4

թիւն քո. Եղիցին կամք քո որպէս յերկինս և յերկրի։ Զհաց մեր հանապազորդ տնւր մեզ այսօր և թող մեզ զպարտիս մեր՝ որպէս և մեք թողումք մերոց պարտապանաց և մի տանիք զմեզ՝ ի փորձութիւն, այլ փրկեա զմեզ՝ ի չարէ, զի քո է արքայութիւն և զօրութիւն և փառք յաւիտեանս. ամէն։

Մեր Հայր, որ երկնքումն ես. քո անունը սուրբ լինի. քո թագաւորութիւնը գայ. քո կամքը լինի ինչպէս երկնքումը, այնպէս էլ երկրի վրայ. մեր ամենօրեայ հացը տնւր մեզ այսօր. մեր պարտքը թող մեզ, ինչպէս որ մենք էլ մեր պարտապաններին ենք թողնում. մի ձգիր մեզ փորձութեան մէջ, այլ փրկեր չարից, որովհետեւ յաւիտեանս քոնն է թագաւորութիւնը, զօրութիւնը և փառքը. ամէն։

3. Ա. Դ. Օ Թ Ք Դ Ա Ս Ի Ց Ա Ռ Ա Զ

Ամենաբարի Աստուած, առաքեա առ մեզ զշնորհս Հոգւոյդ Արբոյ, զի պարզեսցէ մեզ զմիտս և կազդուրես-

ցէ զգօրութիւնս հոգւոց մերոց, որպէսզի մեք ընդունելով զաւանդեալ մեզ ուսմունս, զարգացուք քեզ ըստեղծողիդ մերում՝ ի փառա,՝ ի մխիթարութիւն ծնողաց մերոց, յօգուտ եկեղեցւոյ և հայրենեաց։

Ամենաբարի Աստուած, ուղարկիք մեզ Սուրբ Հոգուդ շնորհը, որ մեզ միտք պարգևէ, զօրացնէ մեր հոգու կարողութիւնները, որպէսզի ուսումստանանք, մեծանանք Ստեղծողիդ փառքի համար՝ մեր ծնողներին մխիթարելու և եկեղեցուն ու հայրենիքին օգտակար լինելու։

4. Ա. Դ. Օ Թ Ք Դ Ա Ս Ի Ց Ե Տ Ո Յ Ց

Գորհանամք զքէն, Արարիչ, զի արժանի արարեր զմեզ շնորհաց քոց՝ ընդունելութեան ուսմանս։ Օրհնեա զմեծաւորս, զծնողս և զուսուցիչս մեր, որք առաջնորդեն մեզ՝ ի գիտութիւնը բարութեան և տնւր մեզ կարողութիւն՝ ի շարունակութիւն ուսմանս այսորիկ։

Շնորհակալ ենք քեզնից, արարիչ Աստուած,  
որ արժանացրիր մեզ ուսումն ստանալու, օրհնիր  
մեր մեծաւորներին, ծնողներին և ուսուցիչնե-  
րին, որոնք առաջնորդում են մեզ դէպի բարին.  
տուր մեզ ոյժ և կարողութիւն այս ուսումը շա-  
րունակելու:

5. Ա. Ղ. Օ Թ. Ք Ճ Ա. Շ Ի Ց Ա. Ռ Ա. Զ

Աչք ամենեցուն 'ի քեզ, Տէր, յուսան,  
Եւ դու տաս կերակուր նոցա 'ի ժամու.  
Բանաս զձեռն քո  
Եւ լցուցանես զամենեսեան  
Քաղցրութեամբ կամովք քովք:

Ամենի աչքն էլ քեզ են նայում, ով Աս-  
տուած, գու տալիս ես նրանց կերակուր իւր  
ժամանակին, բաց ես անում ձեռդ և լցնում  
ամենին քո ողորմութիւնով:

6. Ա. Ղ. Օ Թ. Ք Ճ Ա. Շ Ի Ց Ե Տ Ո Յ

Չիութիւն սեղանոյս անհատ և  
աննուազ արասցէ Քրիստոս Աստուած  
մեր, որ զմեզ կերակրեաց և լիացոյց՝  
նմա փառք յաւիտեանս. ամէն:

Ով մեր Քրիստոս Աստուած, լի և առատ  
արա այս սեղանը, քեզանից յաւիտեան շնորհա-  
կալ ենք, որ մեզ կերակրեցիր և լիացըիր. ամէն:

7. Ա. Ղ. Օ Թ. Ք Ս Ո Ւ Բ Ք Ա. Մ Տ Ա. Ծ Ն Ի

Անկանիմք առաջի քո Աստուածածին,  
Եւ աղաչեմք զանարատ զկոյսդ,  
Քարեխօսեա վասն անձանց մերոց  
Եւ աղաչեա զՄիածին որդին  
Փրկել զմեզ 'ի փորձութենէ  
Եւ յամենայն վտանգից մերոց:

Քո առաջն ենք ընկնում, ով աստուածա-  
ծին և աղաչում ենք քեզ՝ անարատ կուսիդ,  
բարեխօսիր մեզ համար և աղաչիր միածին որ-  
դուն, որ աղատէ մեզ փորձութիւնից և ամեն  
տեսակ վտանգներից:

8. Ա. Ղ. Օ Թ. Ք Թ Ա. Գ Ա Խ Ո Ր Ի Հ Ա Մ Ա Ր

Տէր Աստուած մեր, կեցն զամե-  
նաբարեպաշտ թագաւորն և զկայսըն  
Ռուսաց զնիկոլայ Ալեքսանդրովիչն:  
Զորացն զնա, օգնեա զաւակաց և զօ-

բաց նորա՝ պահելով զամենեսին՝ ի  
խաղաղութեան։

Տէր Աստուած, կեանք տուր Ուուաց Ամե-  
նաբարեպաշտ Թագաւոր և Կայսր Նիկոլայ Ալեք-  
սանդրովիչն։ Զօրացրու նրան, օգնիր նրա զա-  
ւակներին, զօրքին և ամենին խաղաղութեան  
մէջ պահպանիր։

#### 9. Տ Ա Ս Ն Պ Ա Տ Ո Ւ Ր Ա Ն

1. Քո տէր Աստուածը ես եմ։
2. Կուռք չշինես։
3. Աստծու անունը զուր տեղը  
չիշես։
4. Շաբաթ օրը սուրբ պահիր։
5. Քո հօրն ու մօրը պատուիր։
6. Ոչ ոքի չսպանես։
7. Շնութիւն չանես։
8. Գողութիւն չանես։
9. Սուտ վկայութիւն չտաս։
10. Աչք մի՛ ունենար ոչ քո ընկե-  
րոջ տանը և ոչ նրա ունեցածին։

Բ.

#### 10. Ս Ո Ւ Ր Բ Կ Ո Յ Ս Մ Ա Ր Ի Ա Մ Ի Ծ Ն Ո Ւ Ն Դ Հ

Ե Կ Տ Ա Ճ Ա Ր Ի Ն Ը Ն Ծ Ա Յ Ե Լ Բ -

Քանանացւոց Երկրում մի քաղաք  
կար՝ անունը Նազարէթ։ Այդ քաղա-  
քում ապրում էր մի բարեպաշտ մարդ  
Յովակիմ անունով՝ իւր Աննա կնոջ  
հետ։ Սրանք որդի չունէին, դրա հա-  
մար էլ շատ էին տիրում և Աստծուն  
միշտ աղօթում էին, որ իրանց մի  
զաւակ պարզեց։ Մի անգամ էլ աղօ-  
թելիս խոստացան, որ եթէ Աստուած  
իրանց խնդիրը լաէ և մի որդի պար-  
զեց, իրան կընծայեն, որ տաճարին  
ծառայէ։ Աստուած լսեց բարեպաշտ  
ծնողների աղօթքը և մի աղջիկ պար-  
զեց նրանց, որի անունը Մարիամ  
դրին։ Երբ աղջիկը երեք տարեկան  
դարձաւ, Յովակիմն ու Աննան, ինչ-  
պէս խոստացել էին, տաճար տարան

նրան և ընծայեցին Աստծուն, իսկ  
իրանք դարձան Նազարէթ։ Մարիամը  
մնաց տաճարում։ Քահանայապետը նը-  
րա ուսուցիչն էր, սովորյնում էր նը-  
րան սուրբ գիրք կարդալ, աղօթել և  
տաճարին ծառայել։ Մարիամի նման  
ուրիշ շատ աղջիկներ էլ կային այն-  
տեղ։ Մարիամը մնաց տաճարում  
մինչև տասն և չորս տարեկան դառ-  
նալը։ Նրա ծնողները մեռան, ուստի  
քահանաները Մարիամին յանձնեցին  
իւր ազգական նազարէթցի ծերունի  
Յովսէփին, որի մօտ և ապրում էր։  
Յովսէփն արհեստով հիւսն էր։

Սուրբ կոյս Մարիամի ծննդեան տօնը կա-  
տարում ենք սեպտեմբերի 8-ին, իսկ տաճարին  
ընծայելը՝ նոյեմբերի 21-ին։

### 11. Ա Ի Ե Տ Ո Ւ Մ Ն

Մարիամը, ինչպէս տաճարում,  
այնպէս էլ Յովսէփի տանը, ազատ ժա-

մերին սուրբ գիրք էր կարդում և ա-  
ղօթում։

Մի անգամ, երբ Մարիամն աղօ-  
թում էր, Գաբրիէլ հրեշտակը երկաց  
նրան և ասաց. «Ողջնյն քեզ, Մա-  
րիամ, Աստուած քեզ հետ է»։ Երբ  
Մարիամը հրեշտակին տեսաւ, վախե-  
ցաւ ու մտածում էր, թէ ինչու հա-  
մար է հրեշտակը իւր մօտ գալիս և  
ողջունում։ Հրեշտակն ասաց. «Մի վա-  
խիր, Մարիամ, Աստուած քեզ շատ  
է սիրում, զու մի որդի կունենաս և  
նրա անունը Յիսուս կդնեա։ Նա Աստր-  
ծու որդի կկոչուի, բոլոր մարդկանց  
կխրատի, կքարոզի և նրանց Փրկիչը  
կլինի»։

Մարիամը խոնարհ կերպով պա-  
տասխանեց և ասաց. «Ես Աստծու ա-  
ղախինն եմ, ինչպէս նրա կամքն է,  
թող այնպէս էլ լինի»։ Սրանից ետոյ  
հրեշտակը հեռացաւ Մարիամից։



Գաբրիէլ հրեշտակի Մարիամ կուսին աւետիք տալը տօնում ենք ապրիլի Շին։ Այդ տօնի անունն է Աւետումն։

### 12. ՔՐԻՍՈՍԻ ԾՆՈՒՆԴԸ

Հին ժամանակ, երբ թագաւորներն ուզում էին իմանալ, թէ իրանց երկրի մէջ քանի մարդ կայ, հրամայում էին ամենին, որ գնան իրանց հայրենի քաղաքը, այնտեղի ցուցակի մէջ գրուեն և ապա սկսում էին համարել։ Այդպիսի մի հրաման դուրս եկաւ հէնց Յիսուս Քրիստոսի ծննդեան ժամանակ։

Յիսուսի ծնողները—Յովսէփին ու Մարիամը կենում էին Նազարէթ քաղաքում։ Բայց որովհետև Յովսէփը բեթղեհէմցի էր, այդ պատճառով վեր կացաւ և եկաւ իւր հայրենի քաղաքը։ Յովսէփին աղքատ էր. քաղաքի մէջ չկարողացաւ տուն վարձել, դրա համար վեր եկաւ քաղաքից դուրս մի

այրում, ուր հովիւները վատ եղանակին իրանց ոչխարներն էին բերում։



Այդ գիշեր Յիսուսը ծնուեց։ Ծը-

նողները փաթաթեցին նրան բարուրի մէջ և դրին մսրում։

ԲԵԹՂԵԿՄԸ մեր երկրի նման ցուրտ չէ, այնտեղ տաք է—ձմեռը դրսում կարելի է քնել։ Այն երկրի հովիւները ամառ ձմեռ իրանց ոչխարները դուրսն էին պահում, միայն անձրևային եղանակին այրն էին բերում։


Երբ Յիսուս ծնուեց, ոչ ոք չգիտէր—հովիւները դաշտումն էին և իրանց ոչխարներն էին պահում։ Յանկարծ օդի մէջ մի հրեշտակ երևաց։ Այս բանից հովիւները վախեցան։ Հրեշտակն ասաց. «Մի վախենաք, ես ձեզ և բոլոր մարդկանց մեծ ուրախութիւն եմ յայտնում — ձեզ համար ԲԵԹՂԵԿՄՈՒՄ ՓՐԿԻՑ է ծնուել, նա այրումն է, բարուրում փաթաթած և մսրի մէջ դրած»։ Այս խօսքերից ետոյ յանկարծ բազմաթիւ հրեշտակ-



Ներ երևացին, որոնք երգում էին և  
ասում։ «Փառք՝ ի բարձունս Աստու-  
ծոյ և յերկիր խաղաղութիւն,՝ ի մար-  
դիկ հաճութիւն» — փառք Աստծուն  
երկնքումը, այսուհետև երկրիս վրայ  
խաղաղութիւն և մարդկանց մէջ սէր  
ու միաբանութիւն կլինի։

Երգելուց ետոյ հրեշտակները հե-  
ռացան։ Հովիւներն ասացին մէկ մէկ-  
կու։ «Գնանք Բեթղեհէմ և տեսնենք  
այս ինչ բան է, որ Աստուած ցոյց  
տուեց մեզ»։ Նրանք շտապով եկան  
և գտան Մարիամին, Յովսէփին և մա-  
նուկին բարուրի մէջ փաթաթած ու  
մսրում դրած։ Երբ տեսան, փառք  
տուին Աստծուն, երկրպագեցին մա-  
նուկին, այրից դուրս եկան և ամեն  
պատահողի աւետիք էին տալիս ու  
ասում, թէ Փրկիչը ծնուել է։

Յիսուսի ծնունդը կուտառում ենք յունուա-  
րի 6-ին։



Շարական ծննդեան

Խորհուրդ մեծ և սքանչելի,  
Որ յայտ աւուր յայտնեցաւ,  
Հովիւք երգեն ընդ հրեշտակս՝  
Տան աւետիս աշխարհի:

Այսօր մեծ և զարմանալի խորհուրդ յայտնուեց—հովիւները հրեշտակների հետ երգում են և աշխարհին աչքալոյս տալիս:

Ծնաւ նոր արքայ  
'ի Բեթղեհէմ քաղաքի,  
Որդիք մարդկան օրհնեցէք,  
Զի վասն մեր մարմնացաւ:

Նոր թագաւոր ծնուեց Բեթղեհէմ քաղաքում, մարդկէ, օրհնեցէք նրան, որովհետեւ նա մեզ համար ծնուեց:

13. ՔԱՌԱՍՈՒՆ ՕՐԱԿԱՆ ՅԻՍՈՒՍԻՆ  
ՏԱՆՈՒՄ ԵՆ ՏԱՃԱՐ

Հրէաների մէջ սովորութիւն կար—ով անդրանիկ և արու զաւակ էր ունենում, բառասուն օրից ետոյ մա-

նուկին տանում էին Երուսաղէմի տաճարը, նուիրում Աստծուն և ապա զոհ էին անում և ետ գնում իրանց տուն: Հարուստ ծնողները զոհում էին մի գառը, իսկ աղքատները՝ մի զոյգ աղաւնի կամ տատրակ:

Երբ Յիսուս քառասուն օրական դարձաւ, ծնողները նրան էլ տարան Երուսաղէմի տաճարը: Եւ որովհետեւ նրանք աղքատ էին, հետները վերցրին մի զոյգ աղաւնի:

Այդ ժամանակ Երուսաղէմում կենում էր մի ծերունի մարգարէ՝ Սիմէօն անունով: Նա խնդրել էր Սուրբ Հոգուն, որ չմեռնի՝ մինչև Յիսուսին աչքով չտեսնի: Երբ Յիսուսին տաճարը բերին, Սիմէօն ծերունին իմացաւ նրա գալը. դուրս եկաւ նրա առաջ. գրկեց. փառք տուեց Աստծուն և ասաց. «Տէր Աստուած, այժմ առ իմ հոգին, որովհետեւ ես տեսայ Փրկչին, որին

Փրկիչն է, որ Աստուած խոստացել է  
մարդկանց։ Այս տօնը կատարում ենք փետրուարի 14-ին.  
տօնի անունն է—Տեսոնը նդառապաշչած։

14. ՏԱՍՆԵՐԿՈՒԻ ՏԱՐԵԿԱՆ ՅԻՍՈՒՄ  
ԳՆՈՒՄ Է ՏԱԾԱՐ

Հըէաները մեզ նման ամեն քա-  
ղաքում կամ գիւղում եկեղեցի չու-  
նէին։ Նրանք միայն մի տաճար ու-  
նէին, այն էլ Երուսաղէմ քաղաքում։  
Դրա համար ամեն տարի հեռու  
տեղերից ուխտաւորներ էին գալիս,  
մանաւանդ Զատկի տօնին։ Ուխտոր-  
ներն այնքան շատ էին լինում, որ  
քաղաքի մէջ այլևս տեղ չէր լինում,  
դրա համար քաղաքից դուրս լեռների  
վրայ վրաններ էին խփում և այնտեղ  
կենում։ Տօնը տեսում էր եօթն օր։  
Փոքրերին չէին տանում հետները, վա-  
խենում էին, որ քաղմութեան մէջ  
չկորչեն։

սպասում էին Յովսէփին ու Մարիամը  
զարմանում էին այս խօսքերի վրայից




Տաճարում մի կին մարզարէ էլ  
կար՝ Աննա անունով։ Սա ճանաչեց  
Յիսուսին. փառաբանում էր Աստծուն  
և ամենին պատմում թէ նա այն

Յիսուսի ծնողներն էլ Զատկի տօնին ամեն տարի ուխտ էին գնում։ Երբ Յիսուս տասն երկու տարեկան դարձաւ, առաջին անգամ նրան էլ հետները տարան Աստծու տանն ադօթելու։

Տօնի օրերն անցան։ Ծնողները կամենում էին Նազարէթ դառնալ, բայց յանկարծ տեսան, որ մանուկ Յիսուսը չկայ։ Քաղաքի մէջ շատ փնտռեցին, բայց չգտան։ Կարծեցին թէ ծանօթների կամ հարևանների հետ Նազարէթ դարձած կինի, դրա համար Երուսաղէմից դուրս եկան. մի օրուայ ճանապարհ եկան. հասան իրանց ծանօթներին. հարց ու փորձ արին, բայց չգտան։ Նորից ետ դարձան Երուսաղէմ, մի օր էլ այստեղ փնտռեցին և Երրորդ օրը գտան նրան տաճարում։

Յիսուս այստեղ վիճաբանում էր վարդապետների հետ—նրանց հարցեր

էր տալիս և պատասխանում առա-



ջարկած հարցերին։ Ամենքն էլ զար-

մանում էին նրա իմաստուն պատասխանների վրայ և ասում — որտեղից գիտէ սա այսքան բաներ։ Ծնողները, երբ Յիսուսին տեսան, շատ ուրախացան։ Մայրն ասաց. «Որդեակ, այդ ի՞նչ բերիր մեր գլուխը—երեքօր է՝ ես և հայրդ քեզ փնտռում ենք»։ Յիսուս պատասխանեց. «Միթէ չգիտէիք, որ ես իմ հօր տանը կլինեմ»։ Մրանից ետոյ Յիսուս ծնողների հետ դարձաւ Նազարէթ, հնազանդ էր—լառում էր նրանց խօսքին և օգնում էր հօրը հիւսնութեան մէջ։

### 15. ՅԻՍՈՒՍԻ ՄԿՐՏՈՒԹԻՒՆԸ

Յորդանան գետի ափերում մի իմաստուն մարդ էր բնակւում՝ Յովհաննէս անունով։ Նա մարգարէ էր—մարդիկ ամեն կողմից գալիս էին նրա մօտ, խորհուրդ էին հարցնում և խոստովանում էին իրանց մեղքերը՝ սը-

խաները։ Ով խոստովանում էր չըկրկնել իւր սխաները, Յովհաննէսը նրան մկրտում էր Յորդանան գետի



մէջ և ասում—ինչպէս ես քո մարմինը մաքրեցի, այնպէս էլ դու քո սիրտը պիտի մաքրես։


Յիսուսն էլ եկաւ Յովհաննէսի մօտ մկրտուելու։ Նա արդէն երեսուն տարեկան էր։ Յիսուս դեռ չէր մօտեցել Յովհաննէսին, բայց նա հեռուից

Ճանաչեց նրան և բարձր ձայնով ասաց իւր մօտ կանգնողներին. «Այ, տեսէք Աստծու գառը գալիս է, սապէտք է մարդկանց ազատէ իրանց մեղքերից»։

Յիսուս մօտեցաւ Յովհաննէսին և յայտնեց, որ կամենում է նրանից մըկրտուել։ Յովհաննէսը մերժեց և ասաց. «Ես պէտք է քեզնից մկրտուեմ, դու ես ինձ մօտ գալիս»։ Յիսուս պատասխանեց. «Մկրտիր ինձ, որովհետեւ դու տարիքով ինձնից մեծ ես»։ Սըրանից ետոյ Յովհաննէսն էլ չհակառակեց և մկրտեց Յիսուսին Յորդանան գետի մէջ։

Երբ Յիսուս մկրտուեց և ջրից դուրս եկաւ, երկինքը բացուեց և Սուրբ Հոգին աղաւնու կերպարանքով իջաւ Յիսուսի վրայ։ Աստուածն էլ վերևից ձայն տուաւ. «Դա է իմ սիրելի որդին, որին ես հաւանեցի, դրան լսեցէք»։

Ճատ քիչ մարդիկ գիտէին, թէ Յիսուս Աստծու որդին էր, բայց այժմ



ամենքն էլ պարզ կերպով տեսան և հաւատացին, որ նա Աստծու որդին է։


Դրահամար էլ մկրտութեան օրը մարդիկ իրար շնորհաւորում են և ասում։  
«Շնորհաւոր յայտնութիւն»։

Յիսուսի ծննդեան և մկրտութեան տօնը  
կատարում ենք միասին յունուարի 6-ին։

#### 16. ՅԻՍՈՒՍ ՔԱՐՈՉՈՒՄ Է ԵՒ ԲԺՇԿՈՒՄ

Յիսուս իւր մկրտութիւնից ետոյ սկսեց շրջել երկրի մէջ և ամեն տեղ քարողում էր ու բժշկում—կոյրերին աչք էր տալիս, կաղերին՝ ոտք, խուլերին՝ լսողութիւն և մեռելներին՝ յարութիւն։ Յիսուս օր ու գիշեր հանգիստ չունէր, ման էր գալիս ամեն տեղ և քարողում։ Ով տիսուր էր, մըխիթարում էր։ Հարուստներին ասում էր, որ իրանց ունեցածից աղքատներին էլ բաժին տան։ Ամենին էլ ասում էր, որ միմեանց օգնեն և սիրեն իրար՝ ինչպէս ինքն է սիրում։ Փոքրերին իրարատում էր, որ ծնողներին լսեն և

ուսուցիչներին յարգեն։ Յիսուս այնպէս սիրուն էր քարողում, որ ժողովուածութիւնը առաջանակ էր այս աշխատանքում։



վուրդն էլ չէր գնում քահանաների

մօտ, այլ միշտ գալիս էր նրա քարոզը  
լսելու։ Քահանաներն ասում էին—  
եթէ այսպէս թողնենք, ամենքն էլ  
Յիսուսի մօտ կդնան, էլ մեզ մօտ ոչ  
ոք չի գայ, մեր պատիւը և արդիւն-  
քը կպակասի։ Այս պատճառով քահա-  
նաները թշնամացան Յիսուսի հետ և  
մտածում էին նրան սպանել տալ։ Յի-  
սուս ինչ որ խօսքով քարոզում էր,  
նոյնը գործով էլ ցոյց էր տալիս, իսկ  
քահանաները միայն ասում էին, բայց  
իրենց ասածները իրենք էլ չէին կա-  
տարում։

### 17. ՄԱՐԻԱՄ ԵՒ ՄԱՐԹԱ

Մի անգամ Յիսուս քարոզելով  
եկաւ իւր ծանօթ Ղազարոսի մօտ, որ  
կենում էր Բեթանիա գիւղում՝ Երու-  
սաղէմին մօտիկ։ Ղազարոսը երկու  
քոյր ունէր. մէկի անունը Մարթա էր,  
իսկ միւսին՝ Մարիամ։ Երկու քոյրերն

էլ Յիսուսին շատ էին սիրում։ Երբ  
իմացան, որ Յիսուս հիւր է եկել՝ էլ  
չգիտէին թէ ինչպէս պատիւ տան նը-  
րան։ Մարիամը նստեց Յիսուսի մօտ  
և ուշադրութեամբ լսում էր նրա ա-  
սածները։ Իսկ Մարթան մեծ պատ-  
րաստութեան մէջ էր—աշխատում էր,  
որքան կարելի է, լաւ կերակուրներ  
պատրաստել Յիսուսի համար։

Մարթան երբ տեսաւ, որ Մարիա-  
մը չի գալիս իրան օգնելու, եկաւ Յի-  
սուսի մօտ և ասաց. «Տէր, տեսնում  
ես, որ քոյրս ինձ մենակ է թողել, ա-  
սա, որ գայ և ինձ օգնէ»։ Յիսուս պա-  
տասխանեց. «Մարթա, Մարթա, կա-  
րիք չկայ տեսակ տեսակ կերակուր-  
ներ պատրաստելու, մի տեսակ էլ որ  
լինի, բաւական է ինձ համար։ Դու  
կարող ես քո քոյր Մարիամից օրի-  
նակ վերցնել, նա աւելի լաւ ձևով է  
պատւում ինձ, նա լսում է իմ ասած-


ները—ով ինձ սիրում է, թող իմ խօսքերը լսէ և կատարէ»։

Սրանով Յիսուս մեզ սովորցնում է, որ Մարթայի պէս աշխատասէր լինենք և Մարիամի նման մեծի խօսքը լսող։

### 18. ՅՈՒԴԱՅ

Յիսուս ունէր տասներկու աշակերտ. Նրանք կոչում են առաքեալներ։ Սրանցից մէկը, որի անունը Յուդայ էր, լաւ մարդ չէր, աչքածակ էր, փող շատ էր սիրում։ Զատիկը մօտեցել էր։ Այդ տօնից առաջ Յուդան ծածուկ գնաց Յիսուսի թշնամիների քահանաների մօտ և ասաց. «Ի՞նչ կտաք ինձ, որ Յիսուսին ձեզ մատնեմ»։ Նրանք ուրախացան և երեսուն արծաթ փող խոստացան։

Այսուհետև Յուդան յարմար ժամանակ էր փնտռում՝ թէ ինչպէս Յի-



սուսին մատնէ, որ նա չիմանայ: Բայց  
Յիսուս Աստծու որդի էր, նա ամեն  
բան գիտէր: Յիսուս տեսաւ, որ Յու-  
դան իրեն պիտի մատնէ և իւր մահը<sup>1</sup>  
մօտենում է, ուզեց վերջին անգամ  
իւր բոլոր աշակերտների հետ միա-  
սին Զատկի ընթրիքն ուտել: Յիսուս  
կամեցաւ էլի մի անգամ սրտանց  
խօսել նրանց հետ, խրատել և այնպէս  
բաժանուել:

## 19. Ո Տ Ա Լ Ո Ւ Յ Յ

Երեք օր էր մնացել մինչև հրէա-  
ների Զատիկլ: Այդ օրերում նրանք  
ուտում էին բաղարջ հաց և խորո-  
ված գառլ: Աւագ հինգաբթի օրը  
Յիսուս պատուիրեց իւր աշակերտ-  
ներին վերնատան մէջ ընթրիք պատ-  
րաստեն, որ Զատիկլ միասին կատա-  
րեն: Աշակերտներն էլ այնպէս արին,  
ինչպէս որ Յիսուսն ասաց: Երեկոյ-

եան Յիսուս իւր տասն և երկու ա-  
շակերտների հետ սեղան նստեց և ա-  
սաց. «Արտով ցանկացայ այս ընթ-  
րիքը ձեզ հետ ուտել՝ մահիցս առաջ»:



Հրէաները սովորութիւն ունէին  
հացից առաջ լուացուել, ուստի Յի-  
սուս այս ասելուց ետոյ՝ ընթրիքից  
վերկացաւ, հանեց վերևի շորերը, մէջ-  
քին մի սրբիչ կապեց, ջուրն ածեց

կոնքի (աւազանի) մէջ, սկսեց աշակերտների ոտները լուանալ և սրբել։ Ոտները լուալուց ետոյ Յիսուս ասաց իւր աշակերտներին. «Տեսաք ես ինչ արի։ Դուք ինձ կանչում էք տէր և վարդապետ, շատ էլ լաւ էք անում։ Եթէ ես խոնարհութիւն արի և ձեր ստը լուացի, ուրեմն դուք էլ ամենի հետ այդպէս խոնարհ կվարուէք»։ Սրբանից ետոյ ընթրիքի նստեց և տըխուր ձայնով ասաց իւր աշակերտներին. «Ձեզնից մէկն այս գիշեր ինձ պիտի մատնէ»։ Այս նրա համար ասաց, որ իրան մատնող աշակերտն զգուշանայ, սխալն ուղղի, բայց իզուր։ Յուղան այնպէս էր ցոյց տալիս իրան, որպէս թէ ինքը չէ մատնողը և ոչինչ չգիտէ։

Աշակերտներն այս խօսքերի վրայ տրտմեցան և միմեանց էին նայում—չգիտէին թէ ում մասին է ասում։ Ա-

մեն մէկը տեղից վեր էր կենում և հարցնում. «Տէր, միթէ ես եմ»։ Յուղան էլ հարցրեց. «Միթէ ես եմ, վարդապետ»։ Յիսուս պատասխանեց. «Դու ես ասում, թէ ես եմ»։ Ետոյ աւելացրեց. «Գնա, ինչ անելու ես, շուտով արա»։ Յուղան երբ տեսաւ, որ Յիսուս, ամեն բան գիտէ, ամօթից էլ չկարողացաւ մնալ այնտեղ, վերկացաւ և զնաց նրա թշնամիների մօտ։ Սրդէն երեկոյ էր—մթնել էր։

Աւագ հինգշաբթի օրը քահանան եկեղեցում կատարում է ոտնալուայի կարգը և կարագ իւղ է բաժանում։

Ոտնալուայի շաբական

Այսօր կանգնեցաւ

Աւագան մկրտութեան

՚ի թողութիւն մեղաց մերոց։

Այսօր հաստատուեց մկրտութեան աւագան՝  
մեր մեղքերի թողութեան համար։

Այսօր Տէրն մեր  
Լուանայր զոտս աշակերտաց  
Եւ պատուիրէր զայս ասելով։

Այսօր մեր տէր Յիսուս լուանում էր իւր  
աշակերտների ոտները և պատուիրելով ասում էր.

Մի ոմն ի ձէնջ եղբարք,  
Մատնելոց է զիս 'ի մահ  
Եւ որոշի յաշակերտացդ։

Զեղնից մէկը, եղբայրներ, ինձ մահուան  
պիտի մատնէ և բաժանուի աշակերտներիցդ։

#### 20. ԽՈՐՀԻՇԱԽՈՐ. ԸՆԹՐԻՔ

Երբ Յուղան դուրս գնաց, Յիսուս  
ասաց. «Զեզ մօտ երկար չեմ կարող  
մնալ, շուտով կհեռանամ ձեզանից,  
բայց դուք իրար այնպէս պիտի սիրէք՝  
ինչպէս որ ես ձեզ սիրեցի— սրանով  
կիմանան, որ դուք իմ աշակերտ-  
ներն էք»։

Բացի սրանից Յիսուս կամեցաւ

մի ուրիշ յիշատակ էլ թողնել, որ  
երբ ինքն այլևս երկրի վրայ չի լի-



նի, իրան միշտ յիշեն։ Ուստի ընթ-  
րիքից ետոյ առաւ բաղարջ հաց, օրհ-

ըուսաղէմից և բարձրացաւ Զիթենեաց  
լեառը։ Այստեղ Յիսուս ասաց աշա-  
կերտներին. «Ինձ այս գիշեր կըոնեն,  
իսկ դուք ամենքդ էլ կթողնէք ինձ և  
կփախչէք»։ Բոլոր աշակերտներն էլ  
միաբերան ասացին. «Կմեռնենք, բայց  
քեզ մենակ չենք թողնի ու փախչի»։

Զիթենեաց լերան կողքին մի պար-  
տէզ կար՝ Գեթսեմանի անունով։ Յի-  
սուս այստեղ եկաւ և ասաց իւր  
աշակերտներին. «Նստեցէք այստեղ,  
աղօթեցէք, արթուն կացէք, չընէք, որ  
փորձութեան մէջ չընկնէք։ Իսկ ինքը  
մի փոքր առաջ գնաց, երեսի վրայ  
ընկաւ և այսպէս էր աղօթում։ «Հայր,  
եթէ կարելի է, այս չարչարանքը (բա-  
ժակը) հեռացընւ ինձնից, բայց եթէ  
չես կամենայ, ըստ կամքն է»։ Յիսուս  
աղօթքից դարձաւ, տեսաւ, որ աշա-  
կերտները ընել են և նորից ասաց.  
«Արթուն կացէք և աղօթեցէք, որ փոր-


նեց, կոտրտեց, աշակերտներին բա-  
ժանեց և ասաց. «Առէք, կերէք այս է  
իմ մարմինը»։ Ետոյ մաքուր գինին  
առաւ, գոհացաւ, օրհնեց, տուեց նը-  
րանց և ասաց. «Խմեցէ՛ք դրանից ա-  
մենքդ, սա իմ արիւնն է — ամեն  
անգամ երբ այս հացը ուտէք և այս  
բաժակից խմէք, յիշեցէ՛ք ինձ»։

Մենք էլ այժմ այդպէս ենք ա-  
նում։ Տօն օրերին քահանան պատա-  
րագ է անում և հացն ու գինին օրհ-  
նում։ Ցանկացողները գնում են ե-  
կեղեցի, քահանային խոստովանում են  
իրենց մեղքերը և պատարագից ետոյ  
հաղորդում Յիսուսի մարմնով և ա-  
րիւնով։ Սա միևնոյն է, ինչ որ Յի-  
սուս վերնատանը կատարեց։

## 21. ՅԻՍՈՒՍ ԳԵԹՍԵՄԱՆԻ ՊԱՐՏԻՉՈՒՄ


Հայն օրհնելուց ետոյ՝ Յիսուս իւր  
աշակերտների հետ դուրս եկաւ Ե-

Ճութեան մէջ շընկնէք»։ Այս ասաց,  
դարձեալ հեռացաւ աշակերտներից և  
նոյն ձևով աղօթեց։ Այն ժամանակ



Աստուած հրեշտակին ուղարկեց, որ  
զօրացնէ Քրիստոսին։ Երեք անգամ

այսպէս աղօթելուց ետոյ՝ Յիսուս  
դարձաւ և աշակերտներին էլի քնած  
գտաւ ու ասաց. «Քանի քնէք, հա-



սաւ ժամը, երբ Յուղան ինձ պիտի  
մատնէ, վեր կացէք, ահա դալիս է նա»։

22. ՅԻՍՈՒԽԻՄ ՄԱՏՆՈՒԹԻՒՆԸ

**Այս խօսքերից ետոյ Յուղան բազ-**



մաթիւ զինուորներով ներս մտաւ

պարտէղ՝ սրերով և լապտերներով։  
Եկողները Յիսուսին չէին ճանաչում,  
սրա համար Յուղան առաջուց նշան  
էր տուել, թէ ում որ համբուրեմ, ի-  
մացէր Յիսուսը նա է, նրան բռնեցէր։  
Մատնիչը մօտեցաւ Յիսուսին, համ-  
բուրեց և ասաց. «Բարե, վարդապէտ»։  
Յիսուս պատասխանեց. «Յուղա, համ-  
բուրելով ես մատնում ինձ»։ Այն ժա-  
մանակ զինուորները մօտեցան Յիսու-  
սին, բռնեցին և կապեցին, իսկ աշա-  
կերտները թողին և փախան։


23. ՅԻՍՈՒՄ ՔԱՀԱՆԱՑԱՊԵՏԻ ԱՌԱՋ

**Զինուորները Յիսուսին կապած**  
տարան բահանայապետի մօտ։ Այս-  
տեղ ժողոված էին Քրիստոսի թշնա-  
միները, որ նրա համար մահու պատիժ  
նշանակեն։ Քրիստոս ի հարկէ արդար  
էր—նա Աստծու որդի էր, բացի լա-  
ւութիւնից ոչ մէկին վատութիւն չէր

արել, բայց նրա թշնամիներն ուղում  
էին, որ մեղաւոր դուրս բերեն, որ-  
պէսզի կարողանան սպանել տալ։ Դրա  
համար սուտ վկաներ պատրաստեցին,  
որոնք հաստատում էին, թէ Յիսուս  
Աստծուն հայոյել է, իսկ Աստծուն  
հայհոյողին, հրէաների օրէնքով, սպա-  
նում էին։ Այստեղ թքեցին Յիսուսի  
երեսին. բռունցքով ծեծեցին. ծաղրե-  
ցին և մինչև լուսանալը չարչարեցին։

24. ՅՈՒԴԱՅԻ ՄԱՀ

Յուդան երբ տեսաւ, որ իւր մատ-  
նութիւնով վճռեցին սպանել Յիսու-  
սին, խիղճը տանջեց, վեր առաւ երե-  
սուն արծաթը, տարաւ, ետ տուեց քա-  
հանայապետներին և ասաց. «Ես սխա-  
լուեցի, անմեղ մարդու մատնեցի»։  
Նրանք էլ պատասխանեցին. «Մեզ  
ինչ, դու գիտես, ինչ ուղում ես արա»։  
Յուդան, երբ տեսաւ որ Յիսուսին չի




կարող օգնել, փողը ձգեց քահանաների առաջ և գնաց խեղդուեց, որովհետեւ քանի յիշում էր Յիսուսի արածաւութիւնները և իւր վատութիւնը, չգիտէր թէ ինչ անէր, բուն չունէր, հանգիստ չունէր։

25. ՅԻՍՈՒՍ ՊԻԴԱՏՈՍԻ ԱՌԱՋ

Հինգշաբթի գիշեր հրէաները Յիսուսի համար, իրանց օրէնքով մահուան վճիռ նշանակեցին, բայց մինչև որ երկրի մեծ դատաւոր Պիղատոսն իրանց վճիռը չհաստատէր, իրաւունք չունէին Յիսուսին սպանել, ուստի ուրբաթ առաւօտը վաղ՝ կապած տարան Պիղատոս դատաւորի մօտ, որ իրանց վճիռը հաստատէ։

Պիղատոսը դուրս եկաւ նրանց մօտ և ասաց. «Ինչ գանգատ ունիք այս մարդու վրայ»։ Նրանք պատասխանեցին. «Դա ժողովրդին մոլորեցնում է,

ասում է թագաւորին հարկ մի տար և իրան թագաւոր է անուանում»։



Այս որ լսեց Պիղատոսը, Յիսուսին ներս տարաւ իւր սենեակը, քննեց և

տեսաւ, որ բոլորն էլ սուտ է—նախանձում են, որ Յիսուս իրանցից լաւ է քարոզում և իրանց սխալները բռնում է։ Պիղատոսը դուրս բերաւ Յիսուսին և յայտնեց հրէաներին, որ նա արդար է։

Քահանայապետները և ժողովուրդը, երբ տեսան որ Յիսուս պիտի ազատուի, սկսեցին աւելի բարձր աղաղակել և ասել. «Եթէ դու մեր վճիռը չես հաստատի, մենք կայսեր մօտ քեզնից գանգատ կանենք»։ Պիղատոսը վախեցաւ հրէաներից՝ շինի թէ իրա մասին էլ այսպիսի ստեր հնարեն և մէկ էլ չէր ուզում մի մարդու համար հրէաների մեծամեծներին նեղացնել, ուստի վեր առաւ ջուր, ձեռները լուաց նրանց առաջ և ասաց. «Ես Յիսուսին մեղաւոր չեմ գտնում, դուք գիտէք, տարէք, ինչ ուզում էք, արէք—խաչեցէք»։ Ժողո-

վուրդը միաբերան աղաղակեց և ասաց. «Թո՛ղ դրա արիւնը մեր և մեր որդւոց գլխին լինի»։

### 26. Յ Ի Ս Ո Ւ Ս Ի Խ Ա Զ Ե Լ Ո Ւ Թ Ի Ի Ն Ը

Երբ հրէաները Յիսուսին խաչելու հրամանն ստացան, հէնց նոյն օրը առաւօտեան, զինուորները վեր առան նրան և տարան, որ խաչեն։

Երուսաղէմի մօտ մի բլուր կար՝ անունը Գողգոթա։ Որոշեցին, որ Յիսուսին այնտեղ խաչեն։

Յիսուս ինքն էր տանում իւր խաչափայտը։ Նա շատ էր յոգնել, որովհետև ամբողջ հինգշաբթի գիշերը չէր քնել, ուստի ճանապարհին վայր ընկաւ խաչափայտի տակ։

Երբ Գողգոթա հասան, Յիսուսի ձեռները և ոտները վայտերի վրայ մեխեցին—խաչեցին։ Պիղատոսը խաչի վերևում մի տախտակ կախեց և

նրա վրայ գրել տուեց, թէ Յիսուսին




ինչու են պատժում։ Տախտակի վրայ  
գրուած էր — «Յիսուս Նազրովեցի»

Հրէաների Թագաւոր»։ Յիսուսի հետ  
երկու աւա-  
զակ էլ խա-  
չեցին, մինը  
նրա աջ կող-  
մում, իսկ  
միւսը՝ ձախ։



ընդհակառակը ծաղրում էին և ա-

սում «Եթէ դու Աստուած ես, Եթէ



դու հրէաների թագաւորն ես, ի՞նչու  
չես ազատում քեզ»։

Յիսուսի խաչի մօտ էին կանգնած նրա մայրը և Յովհաննէս աշակերտը։ Յիսուս շատ էր մտածում մօր համար և ցաւում էր նրա վրայ, ուստի Յովհաննէսին յանձնեց, որ պահէ մօրը։ Այս օրից սկսած՝ Մարիամը Յովհաննէսի մօտն էր ապրում մինչև իւր մահը։

Ժամը իննին (մեր ժամի երեքին) խաչեցին Յիսուսին, իսկ ժամը երեքին (մեր ժամի իննին) ճաշից ետոյ ասաց. «Ծարաւ եմ»։ Զինուորներից մինը խղճաց նրան, սպոնդը քաշախի մէջ թաթախեց և Յիսուսի շրթունքին մօտեցրեց, որ ճաշակէ և ցաւը մեղմէ։

Սրանից ետոյ Յիսուս բարձր ձայնով ասաց. «Հայր, հոգիս քեզ եմ յանձնում»։ Այս ասաց, գլուխը կախեց և հոգին աւանդեց։

Այդ միջոցին երկիրը շարժուեց,

Ժայռերը պատառուեցան և շատ արդարներ գերեզմաններից յարութիւն առան։ Այս որ տեսան, ամենքը լաց էին լինում և ասում էին. «Ուղիղ որ Յիսուս Աստծու որդի էր և մենք նրան իզուր տեղը խաչեցինք»։

Խ ա չ ե լ ու թ ե ա ն ե ր գ

Խաչի քո Քրիստոս երկրպագանեսք եւ ըգսուրբ խաչելովթինդ քո մեծացուցանեմք եւ զուրբ թաղումն քո փառաւորեսք։

Քրիստոս, քո խաչին երկրպագութիւն ենք տալիս և քո սուրբ խաչելովթինդ յարգում ենք, խակ քո սուրբ թաղումը փառաւորում ենք։

Եկայք հաւատացեալք երկրպագեցով Քրիստոսի Աստուծոյ մերոյ, վասն զի եկն 'ի ձեռն խաչին իւրոյ, շնորհեաց զպարգեա աշխարհի։

Եկէք, ով հաւատացեալներ, երկրպագութիւն տանք մեր Քրիստոս Աստծուն, որովհետեւ նա եկաւ և իւր խաչով աշխարհիս պարգևներ շնորհեց։

Սուրբ Աստուած, սուրբ և հզօր, սուրբ և անմահ, որ խաչեցար վասն մեր ողորմեա մեզ։


27. Թ Ա Դ Ո Ւ Մ

Ուրբաթ երեկոյ Յիսուս մեռաւ։ Միւս օրը շաբաթ էր—հրէաների զատիկն էր—եթէ Յիսուսին խաչի վրայ տեսնէին, հանգիստ սրտով հաց չէին ուտի, զրա համար էլ գնացին Պիղատոսի մօտ և խնդրեցին, որ իրաւունք տայ Յիսուսի մարմինը խաչի վրայից վերցնեն։ Պիղատոսը, երբ իմացաւ, որ Յիսուս մեռել է, մի քանի զինուոր ուղարկեց Գողգոթա, իմանալու՝ արդեօք Յիսուսը մեռել է, թէ ոչ։

Զինուորներից մինը կամեցաւ ճիշտ իմանալ Յիսուսի մահը, վեր առաւ գեղարդը, ծակեց կողը, որտեղից արիւն և ջուր բղխեց, որ նշանակում է, թէ նոր է մեռել։

Պիղատոսը, երբ ստուգեց Յիսուսի մահը, իրաւունք տուաւ, որ թաղեն։

Սրանից ետոյ մի իշխան մարդ՝  
անունը Յովսէփի, որ Յիսուսի ծածուկ  
աշակերտն էր, Պիղատոսից խնդրեց,



որ Յիսուսի մարմինն իրան բաշխեն։  
Մի ուրիշ աշակերտ էլ՝ Նիկողիմոս ա-  
նունով, եկաւ և բերաւ անուշահոտ


խնկեր և կտաւ։ Սրանք երկուսով գը-  
նացին Գողգոթա, Յիսուսի մարմինը  
խաչից վայր բերին, օծեցին, պատա-  
նեցին և թաղեցին։

Յիսուսին թաղեցին պարտիզում,  
որի մէջ մի նոր փորած գերեզման  
կար։ Այդ գերեզմանը Յովսէփը իւր  
համար էր պատրաստել։ Ահա այստեղ  
դրին Յիսուսի մարմինը՝ մի մեծ քար  
էլ դլորեցին դրանն ու գնացին։

#### 28. ՅԻՍՈՒՍԻ ՅԱՐՈՒԹԻՒՆԸ

Յարաթ օրը հրէաները ոչ մի բա-  
նի ձեռք չեն տալիս, սրա համար էլ  
այդ օրը ոչ ոք չգաց Յիսուսի գե-  
րեզմանը տեսնելու։ Բայց երբ շաբաթն  
անցաւ՝ կիւրակէ առաւօտը շատ վաղ՝  
դեռ արելը դուրս չեկած, Մարիամ  
Մագդաղենացին և երկու ուրիշ կին  
զանազան անուշահոտ խնկեր պատ-  
րաստեցին և եկան, որ մարմինն օծեն։

Կանայք ճանապարհին ասում էին  
միմեանց: «Ո՞վ կը գլորէ գերեզմանի



բերանի մեծ քարը» Բայց երբ մօ-  
տեցան, տեսան, որ քարը դէն էր ձը-

գած գերեզմանի բերանից: Մարիամ  
Մագթաղենացին վազեց աշակերտնե-  
րի մօտ իմաց տալու այս բանը, իսկ  
միւսները գերեզմանը մտան և տեսան,  
որ մի երիտասարդ՝ սպիտակ շորերով  
նստած է գերեզմանի վրայ աջ կող-  
մում—դա հրեշտակն էր: Կանայք վա-  
խեցան: Հրեշտակն ասաց նրանց. «Մի  
վախենաք, ես գիտեմ՝ դուք խաչուած  
Յիսուսին էք որոնում, բայց ի՞նչու էք  
կենդանին մեռելների մէջ փնտում:  
Նա այստեղ չէ, յարութիւն առաւ:  
Գնացէք, ասացէք նրա աշակերտնե-  
րին, որ Յիսուս նրանցից առաջ կը-  
գնայ Գալիլիա, այնտեղ կարող են  
տեսնել նրան, ինչպէս որ ինքն էլ ա-  
ռաջուց ասել է»:

---

Խաչի քո Քը իստոս երկիրապանեմք  
Եւ զուզը թաղոսմէ քո մեծացուցանեմք  
Եւ զուզը յարութիմնդ քո փառատրեմք:

Փառք սուզը խաչիդ, ալէլուփա,  
Սըրոյ թաղմանդ, ալէլուփա,  
Սուզը յարովթեանդ, ալէլուփա,

Քրիստոս յարեաւ 'ի մեռելոց, մահուամը  
զմահ կոհեաց եւ յարովթեամըն իւրով մեզ ըգ-  
կեանս պարզեւեաց, նմա փառք յափտեանս. ասէն:


Քրիստոս մեռելներից յարովթիւն առաւ, իւր  
մահով յաղթեց մահին, իսկ յարովթիւնով մեզ  
կեանք պարզեց, նրան փառք յափտեանս. ամէն:

## 29. ՅԻՍՈՒՍԻ ՀԱՄԲԱՐՁՈՒՄՆ

Յարովթիւնից ետոյ Յիսուս 40 օր  
էլի մնաց Երկրիս վրայ և շատ անգամ  
տեսնուեց իւր աշակերտների հետ:  
Քառասուն օրից ետոյ Յիսուս իւր  
աշակերտներին տարաւ Զիթենեաց  
լեառը և ասաց. «Երուսաղէմից չհե-  
ռոանաք, այլ սպասեցէք այնտեղ մին-  
չև Հայր Աստուած ձեզ կուղարկէ  
Սուրբ Հոգին: Երբ Սուրբ Հոգին Եր-  
կնքից ձեզ վրայ կիջնէ, իսկոյն զօ-

րութիւն կստանաք՝ ուրիշ մարդիկ  
կդառնաք, ետոյ կերթաք ամեն տեղ  
և կըարողէք մարդկանց իմ մասին:  
Ով ձեր քարոզները կլսէ, նրան կմկր-  
տէք Հօր, Որդու և Սուրբ Հոգու ա-  
նունով: Սովորցրէք նրանց այն ա-  
մենը, ինչ որ ինձնից ուսել էք: Ով  
ձեզ կհաւատայ և կմկրտուէ, կազա-  
տուէ մեղքերից, իսկ ով չի հաւա-  
տայ, կպատժուի»: Այնուհետև օրհնեց  
իւր աշակերտներին և երկինք բարձ-  
րացաւ: Օրհնելու ժամանակ մի ամպ  
եկաւ և ծածկեց նրան՝ այնպէս որ  
աշակերտներն այլ ևս չտեսան Յի-  
սուսին: Նրանք երկրպագեցին և ու-  
ռուրախ-ուրախ ետ դարձան Երուսա-  
ղէմ և ամեն օր տաճարում օրհնում-  
էին Աստծուն ու սպասում Սուրբ Հո-  
գուն:

Համբարձման տօնը կատարում ենք Զատ-  
կից 40 օր ետոյ:




30. ζ η φ ε φ α λ ο ι υ σ


Համբարձումից ետոյ առաքեալ-

ները դարձան Երուսաղէմ և միասին էին։ Տասն օրից ետոյ երկնքից յանկարծակի մի ձայն լսուեց՝ սաստիկ փշող քամու ձայնի նման և լցրեց այն տունը, որտեղ նստած էին աշակերտները։ Ետոյ առանձին-առանձին կրակի նման լեզուներ երևաց իւրաքանչիւրի գլխի վրայ։ Առաքեալները լըցուեցան Սուրբ Հոգւով, շնորհներ ստացան և սկսեցին զանազան լեզուներով խօսել։

Այդ ժամանակ Երուսաղէմում կային, բացի երուսաղէմացի հրէաներից, նաև աշխարհիս ամեն կողմերից ուխտ եկած շատ բարեպաշտ հրէաներ։ Երբ երկնքից իջնող ձայնը լըսուեց, ժողովուրդը մի տեղ հաւաքուեց։ Աշակերտներն սկսեցին ամեն մարդու հետ իւր լեզուով խօսել։ Ամենքը զարմացած լսում էին, թէ առաքեալներն ինչպէս ուրիշ-ուրիշ լե-



զուներով էին խօսում։ Ոչ ոք չէր հաւատում իւր տեսածին. սրա համար




էլ մէկը միւսին հարցնում էր. «Զէ՞ որ այս խօսողները բոլորն էլ գալի-

լիացիներ են, տեսէք, ինչպէս մեր լեզուներով խօսում և պատմում են Աստծու մեծամեծ գործերը — այս ի՞նչ բան է»։ Իսկ ոմանք էլ ծաղրումէին և ասում. «Երկի սրանք հարբած են»։

Այն ժամանակ Պետրոս առաքեալ առ տեղից վեր կացաւ և սկսեց այսպէս խօսել. «Ով հրէաստանցիներ և Երուսաղէմում բնակուղներ, լաւ լլացէ՛ք ինչ որ ձեզ քարոզելու եմ—մենք հարբած չենք, ինչպէս կարծումէք, որովհետև դեռ առաւօտեան ժամի 9-ն է։ Լսեցէ՛ք, ով իսրայէլացիներ, Աստուած Յիսուս Նազրովեցուն աշխարհ ուղարկեց. նա եկաւ և ձեր մէջ հրաշըներ գործեց։ Թէհ դուք նրան խաչեցիք, բայց նա երեք օրից ետոյ յարութիւն առաւ, ետոյ երկինք համբարձաւ և այնտեղից մեզ իւր Սուրբ

Հոգին ուղարկեց։ Այժմ մենք, որ զանազան լեզուներով ենք խօսում, դա



ոչ թէ մեր շնորհն է, այլ՝ Սուրբ Հոգու։ Երբ այս քարոզը լսեց Ժողովուր-

դը, գղջաց։ Շատերը գալիս էին Պետրոսի և միւս առաքեալների մօտ ու հարցնում։ «Ի՞նչ անենք»։ Պետրոսն էլ ասում էր նրանց. «Ապաշխարեցէք և մկրտուեցէք Յիսուս Քրիստոսի անունով։ Ով կմկրտուի, Սուրբ Հոգու շնորհը կընդունի»։ Այդ օրը երեք հազար մարդիկ հաւատացին Պետրոսի խօսքերին, մկրտուեցին և քրիստոնեայդարձան։

Հոգեգալստեան տօնը կատարում ենք Զատկից 50 օր ետոյ։

Ց Ա Ն Կ

	Երես
1. Յանուէն Հօր . . . . .	3
2. Հայր մեր . . . . .	3
3. Աղօթք դասից առաջ . . . . .	4
4. « » ետոյ . . . . .	5
5. « ճաշից առաջ . . . . .	6
6. « « ետոյ . . . . .	6
7. « Ա. Աստուածածնի . . . . .	7
8. « թագաւորի համար . . . . .	7
9. Տամն պատուիրան . . . . .	8
10. Ա. Կոյս Մարիամի ծնունդը և տաճարին ընծայումն . . . . .	9
11. Աւետումն . . . . .	10
12. Քրիստոսի ծնունդը . . . . .	13
13. Յիսուսին տանում են տաճար . . . . .	18
14. 12 տարեկան Յիսուս գնում է տաճար . . . . .	21
15. Յիսուսի մկրտութիւնը . . . . .	24
16. Յիսուս քարոզում և բժշկում է . . . . .	28
17. Մարիամ և Մարթա . . . . .	30
18. Յուղա . . . . .	33
19. Ոտնալուայ . . . . .	34
20. Խորհրդաւոր ընթրիք . . . . .	38
21. Յիսուս Գեթսէմանի պարտիզում . . . . .	40
22. Յիսուսի մատնութիւնը . . . . .	44
23. Յիսուս քահանայապետի առաջ . . . . .	45
24. Յուղայի մահը . . . . .	46

25. Յիսուս Պիղատոսի առաջ	• • • • 48
26. Յիսուսի խաչելութիւնը	• • • • 51
27. Թաղում	• • • • 57
28. Յիսուսի յարութիւնը	• • • • 59
29. Յիսուսի համբարձումն	• • • • 62
30. Հոգեգալուստ	• • • • 64



29714

Հ արտ  
591

ԻՄ ԱՇԽԱՏՈՒԹԵԱՄԲ ԼՈՅՍ ԵՆ ՏԵՍԵԼ ԿՐՈՆԻ  
ՀԵՏԵԼԵԱԼ ԴԱՍՏԳՐԵՐԸ

### I. ՈՒՍՈՒՑԻՉՆԵՐԻ ՀԱՄԱՐ

Առողին օրշան	Գիբն է.	զեղչ
	Թ.	%
1. Ուղեցոյց Հին-Ուխտի մասն Ա. . .	» 80	25
2. Ուղեցոյց Հին-Ուխտի մասն Բ. . .	» 85	25
3. Ուղեցոյց Նոր-Ուխտի մասն Ա. . .	1 »	35
4. Ուղեցոյց Նոր-Ուխտի մասն Բ. . .	1 5	35
<b>Միջին օրշան</b>		
5. Դասագիրք կրօնի հատոր Դ. . .	1 50	35
6. Դասագիրք կրօնի հատոր Ե. . .	» 50	35
7. Տասն պատուիրան . . . . .	» 50	35

### II. ԱՇԱԿԵՐՏՆԵՐԻ ՀԱՄԱՐ

8. Դասատետր կրօնի Ա. տարի . . .	» 25	25
9. Դասատետր կրօնի Բ. տարի . . .	» 20	25
10. Դասատետր կրօնի Գ. տարի . . .	» 25	25
11. Դասատետր կրօնի Դ. տարի . . .	» 30	25
12. Հին - Ուխտ . . . . .	» 50	25
13. Հին - Ուխտ տաճկահայ բարբառով	» 40	25
14. Նոր - Ուխտ . . . . .	» 45	25
15. Գործք Առաքելոց . . . . .	» 45	25
16. Բարոյախոսութիւն (էթիկայ) . . .	» 50	25
17. Մի քանի խօսք հայ կրօնուառյաներին »	10	25

### ՑԱՆԿԱՅՈՂՆԵՐԸ ԿԱՐՈՂ ԵՆ ԴԻՄԵԼ

- Ինձ — Սահակ ա. քհ. Սահակեանց. Բեբուտուայ № 20.
- «Գիր», «Գուտտեմբերգ» և միւս հայ գրավաճառներին:

Գինն է 25 ԿՈՊԵԿ



